

مرند اۆيکو

Mərənd öykü



اور آمئريکادی

يازار: رضا کاظمی

Web adress:www.marand-oyku.arzublog.com

Face book:www.facebook.com/marandoyku

Email:rezaaydin491@yahoo.com

اورا آمئريكادير!

رضا كاظمی

قوجا ننه اؤز ائولرينده توي توتماق لارينى گوردو. اري ده وار ايدي. ايکيسي قاپي آغزیندا دورموش، گلن قوناقلارا خوش گلدين دئيردیلر. کيشي تئز تئز اوغلوپلا گلينه باخیردي. بير دفعه ده، اونون قولاغينا ساچلاري قارا اولسايدى لاپ سنين جاوانليغينا اوخشاياجاقدى دئيبينده، قوجا ننه چؤنوب يئنه گلينين اوز گؤزونه باخمیشدی. ماغيل گوردوكلري يوخو اولمايادی. اؤز توي چاغلاري کيمي گنج اولموش اري، نه يه دوشونورسن دئيه قوجا ننه دن سوروشدو. اونون اليريندن ايسه ياپيشيب قوناقلارلا بيرليکده اوتاغين اورتاسيندا اوینادی. توشوين قوجا ننه، اري کيمي يئر گؤيو قاتا بيلميردي آنجاق. گلينى گولموشدو، اوغلو گولموشدو و اونلارين گولوش سسلري اوتاغا دولموش کيمي قوجا ننه گؤزلىرينى آچمیشدی. ساعاتين تيك تاك سسي ايدي، بير ده گئجه نين قارانليغي.

ارينين رقصى ياديندا دوشدو. آلايه سنه رحمت ائله سين، ائله هميشه هاميدان باش ايدين... و گلينين قيافسينى خاطيرلاسين دئيه نه قدر دوشوندوسه ده، بير شئى تصور ائله يه بيلمهدى. يورغاني قيراغا ايتله ييب احمالجا آياغا قالخدی. اللى اسه اسه لامپين کليدينى آختاردی. سونرا، اوغلونون نچه گون بوندان قاباق گؤنده رديي شکیلى تاقچادان گؤتوروب لامپين ايشيغي آلتيندا گؤزونون اؤنونه توتدو. اول گولومسه دييى حالدا قولونو آداخليسى نين بوينا ساريميش اوغلونا باخدی، سونرا ايسه قوجاغيندا بالاجا آغ بير ايت شؤنگه ين گلينه. گون آلتيندا ايشيلدايان قيزيل ساچلارينى چوخ گوده لتميشدی. اونلاري اوزايدى بئلينه کيمي يئتيرسه يدي، و بير نفر آرخاسيندان اونلاري هؤرسه يدي، داها گؤزلىلشدی. قيزلار کيمي بزه نميشدی. گلنلره هئچ ده اوخشاميردي. اوغلو تلفوندا دئميشدی: يالنىز بالاجا قوناقليغيميز اولدو آنا، نچه نفر من چاغيرديم، نچه نفر ده جوليا... اؤز ياخين يولداشلاريميزدان. اوغلونون اوزونو اؤپوپ شکیلى قايتاردى اؤز يئرینه. بو، اوغلوندان تاقچايا قويدوغو اوچونجو شکیل ايدي. بيرينجي شکیلى گئتمه ميشدن اؤنجه دئميشدی ائله اؤزو قاب ائله ييب تاقچا باشينا قويسون. گؤزلى دولو اوزاق دوشونجه لردن، آغ قارا بير شکیل. ايکينجي سيني اوچ آي گئندن سونرا، اوردان گؤنده رميشدی؛ اللى جيب لرينده. کامئرادان اوزاق دورموش، گؤزلىنده ايسه بير شئى اوخونموردو. و اوچونجوسونو نچه ايلدن سونرا، ائله ايکي اوچ گون بوندان قاباق يوللاميشدی. بير آز قوجالميشدی و قوجا ننه اؤتموش سون ايللرده، بونو سسيندن آنلاماميشدی هئچ. زنگ آچديغى زامانلار، اونولا دانيشا دانيشا، ايکينجي شکیلى قاباغينا قويوب اوغلونون بوينا پوسونا باخیردي. کئشکه ايران گليب بوردان ائولنيردي. اؤزو يوخ دئمه ين نه قدر ده قيز تانييردي. آنجاق گلمه دي کي گلمه دي. دده سي اؤلنده تلفون داليندا آغلاييب، دئميشدی تكي من اؤلوردوم، بوردا... بو غوربتده و بو خبري انشيتميرديم آنا!

آدانا ھلە قاليرديسا دا، قوجا ننه ساللانا ساللانا مطبخه سارى گنديب دستنماز آلدې. قيزي دئميشدي بورا گئجه اولاندا، اورا گوندوزدور. فيكىرلشدي: ايندي اوغلو قولونو سارييب آداخليسىنين بوينونا و ايكيسى پاركددا گون آلتيندا آيلشيبلر و ... آلاھ خوشبخت ائله سين! ناماز اوسته، گوردويو يوخو يادينا دوشدو يئنيدين. ايندي يەدك، بيرجه كلمه ده گليينيله دانيشا بيلمەميشدي. ايت اونون قوجاغيندا هوردو ندنسە. والصالين! و بورا گلسەلرسە، ايتي گرەك حيطدە باغلاسينلار. گلين موسلمان اولماسا دا، اؤز اوشاغى موسلمان بالاسى دير آخى. نامازدان سونرا، ايلك اؤنجه ارينه دوعا ائله دي، سونرا اوغلونا، سونرا ايسە قيزينا، يئزنە سينە و بالاچا نوەسى كي، دونيايا گلندن بري قيزيلا اري آرتيق اونو آز يوخلايىردىلار. هاميدان سونرا دا اؤزونه. اؤلنلرين باغيشلانماسينا، قالانلارين ساغليغينا. او گون گلينە دە دوعا ائتدى.

پنجرە دالي آلتورانليق ايدى. قوجا ننه صلوات چئويرە چئويرە ناماز بساطيني ييغيشديردى. سونرا، ياتاق اوتاغينا آدديملايىب ايشكافدان بويون باغيني چىخاردى. دونن گئجه اونو بوينوندان آچىب قويموشدو بورايا. گلين اولاندا رحمتليك قايناناسى اونو بوينونا باغلاميشدي. بو بويون باغي بيزيم ائودە ھميشە بؤيوك گلينە يئتشميش. اونا اليني سورتدو. اوغلو حتمن ياديندا، نئجه ياددان چىخارتسين؟ بەيم عؤمور بويو اونو بوينومدا گۆرمەيىب. و اوغلو بو سؤزلري ياد ديليندە دئديكە، گلينين قيافە سينى نظره گتيرسين دئيه دوشوندو بير آز.

بويون باغي اليندە ايكن تلفون بۇيرونده آيلشدي. قيزينا زنگ آچماق ايستە دي، بورايا گلە جەيىنى، و بويون باغيني پوست خانايا آپاريب اوغلونون آدرسینە گۆندەرە جەيىنى. آنچاق ھاوانين ايشيقلانماسيني گۆزلە دي؛ قوي قيزين اري ايشە گتتسين سونرا.

آمئريکايا فيرتينا گلن ايل، تلويزيون اورانين اوچموش ائولريني گۆستىرىدى. خبرلر قورتارماميش قيزينە زنگ ائديب دئميشدي: بو اوغلان نيە زنگ ائلە مير؟ و دئميشدي: اولماي . . . و تلفون داليندا آغلاميشدي. گئجە سى قيزلا اري يانينا گلەميشديلر. قيز دئميشدي: آغا داداش اولدوغو ايالتدن ھئچ فيرتينا كئچمەيىب، اري دئميشدي: تلويزيون دئديك لرينە اينانما، او بويدا آمئريکادا يالنيز نئچە ائو خارابا قاليب و قوجا ننه دئميشدي: اؤزونه بير زاد اولماسين، ائوي داغيلسا دا داغليىب. قيزيلا ارينه باخيب دئميشدي: ھر نە ايستە سە گۆندەرەم، ... لازيم اولسا ائويمى دە ساتيب پولونو... يئزنە گولموشدو: ننه جان! اورا آمئريکادير و يئنيدين گولموشدو. قوجا ننه اورەيىندە دئميشدي ھاراسى گولمە لي دير؟ قيزي دئميشدي تويدا گولرلر داھا. قوجا ننه اوتاغين اورتاسيندا رقص ائدن قيزلارا باخميشدي. پنجرە آرخاسيندا، فيرتينا اسيردي و قوناقلار تئز تئز ايچري كئچىردىلر. گلينە بى پيچىلداشيب گولوردولر. نە اوزلو گلين دير و قوجا ننه ديل آلتى «و ان يكاد» اوخوماغا باشلادى. ايت قوناقلارين آياق لاري آراسيندان، او يان بو يانا قاچيشيردى. قديمكي لر كيمي گنج اولموش اري، قوجا ننه نين قولوندا ياپيشيب، يئنه نە يە دوشونورسن دئيه سوروشدو اوندان.